



# 01

SIRI

## Bagaimanakah semuanya bermula?

Globalisasi menjadikan pasaran lebih mudah diakses dan wang yang dilaburkan ke dalamnya lebih mudah untuk mencapai matlamat keuntungan bagi hampir semua individu dalam abad ke-21. Terdapat banyak cara untuk seseorang melabur. Sebahagiannya mungkin lebih suka portfolio mereka cenderung kepada ekuiti (saham) dan sebahagiannya pula ke arah bon atau sekuriti pendapatan tetap yang lain. Dalam pasaran global yang saling berkaitan ini, banyak kombinasi berbeza mampu dilaksanakan dan ini termasuklah melabur di dalam pasaran niaga hadapan.

Pasaran niaga hadapan sudah wujud dalam tempoh yang lama. Ia

bermula seawal zaman Aristotle yang menulis kisah seorang ahli falsafah bernama Thales, Miletus (Turki) yang membangunkan "peranti kewangan yang melibatkan suatu prinsip penggunaan universal".

Thales dikenali menggunakan bakatnya dalam meramalkan penuaian zaitun. Keyakinan beliau membolehkan beliau membuat perjanjian dengan pemilik ladang zaitun tempatan untuk menerima deposit wang beliau pada semasa itu, bagi menjamin hak eksklusif beliau ke atas tuaian zaitun apabila ia sedia untuk diambil.

Thales dapat membeli tuaian zaitun dengan harga murah. Oleh kerana

Bagaimana cara untuk saya berdagang  
Niaga Hadapan Kelapa Sawit



tuaian hanya akan dibuat pada suatu tarikh kemudian, tiada siapa boleh mengagak bagaimana keadaan hasil tuaian itu nanti. Itulah sebabnya para pemilik ladang zaitun sanggup menerima tawaran Thales kerana mereka boleh melindungi nilai atas kemungkinan tuaian yang kurang baik.

Apabila tiba masa untuk menuai, dan sekiranya permintaan untuk zaitun meningkat, Thales menjualnya pada harga yang ditentukan sendiri oleh beliau. Akhirnya, beliau mendapat keuntungan yang banyak. Kisah Thales membuktikan bahawa prinsip pasaran hadapan sudah wujud untuk tempoh masa yang panjang.

# Jadi, apakah dia Pasaran Niaga Hadapan?

Mundar laju ke hari ini, instrumen kewangan dibangunkan dan ditambah baik secara bijaksana. Perdagangan niaga hadapan pada hari ini lebih komprehensif berbanding dengan masa dahulu selepas kemajuan teknologi baharu dan juga perkembangan psikologi pelabur yang lebih kompleks.

Dengan peningkatan jumlah perniagaan yang mengambil lebih risiko dalam ekonomi yang begitu berdaya saing pada masa kini, sesuatu instrumen seperti Niaga Hadapan diperlukan dan digunakan oleh perniagaan-perniagaan ini untuk melindungi nilai terhadap kemungkinan risiko yang berpotensi.



Terdapat 2 kategori dalam Pasaran Niaga Hadapan dan ia secara mudah boleh dipecahkan kepada niaga hadapan kewangan dan niaga hadapan komoditi.

O1

## Niaga Hadapan Kewangan

Memperdagangkan produk-produk kadar faedah




Dalam niaga hadapan kewangan, seseorang boleh berdagang produk-produk kadar faedah umpamanya Niaga Hadapan Eurodollar, Niaga Hadapan Perbendaharaan Amerika Syarikat (bon perbendaharaan dan bil perbendaharaan), Niaga Hadapan Swap Kadar Faedah, Niaga Hadapan FX, Niaga Hadapan Saham dan Niaga Hadapan Indeks (Indeks KLCI, Indeks S&P 500, Indeks Nasdaq-100, Purata Industri Dow Jones, Niaga Hadapan Saham Tunggal dan Niaga Hadapan Indeks Ketaktentuan).

O2

## Niaga Hadapan Komoditi

Memperdagangkan produk-produk pertanian dan logam



Dalam niaga hadapan komoditi, seseorang individu boleh memilih daripada pelbagai produk-produk yang berbeza merangkumi antaranya Niaga Hadapan Logam seperti Emas dan Perak yang popular; Niaga Hadapan Tenaga seperti minyak mentah dan gas asli; Niaga Hadapan Pertanian seperti minyak kelapa mentah, jagung, kacang soya dan gandum, koko, kopi dan gula.



Walau bagaimanapun, sebelum seseorang mula menyelami bagaimana cara untuk hendak bermula dalam pasaran Niaga Hadapan; adalah penting untuk seseorang itu pertamanya memahami asas bagaimana pasaran ini berfungsi. Bahagian yang berikut akan meliputi selok-belok bagaimana niaga hadapan berfungsi, siapa yang menjadi pemain utama dan peluang keuntungan yang ada.